



24 Phupu 2024

MOKETE WA SELEMO SA BASOTHO

Lefapha la Freistata la Dipapadi, Bonono, Botjhaba le Boikgathollo, ka kopanelo le baamehi ba fapaneng, le tla keteka mokete wa selemo le selemo wa ho Thwasa ha Selemo sa Basotho, ho ya ka khalendara ya Basotho.

Ho Thwasa ha Selemo sa Basotho ho ketekwa selemo le selemo ha Mariha a etswa, ho hlekela bophelo bo botjha ka morao ho sehla se ommeng. Selemo se setjha sa Basotho se qala ka kgwedi ya Phato, e tsejwang ka meya e tsukutlang le hore ke kgwedi ya ho jala, mme tjhai ya pele ya dijalo tseo e fuwe Tlhahlamatjholo e le sehlabelo.

Ho ketekwa ha ho thwasa ha Selemo sa Basotho ke enngwe ya ditsela tsa bohlokwa tsa ho fihlella maikemisetso a latelang:

- 1) Kgodiso ya kaho ya setjhaba le momahano ya setjhaba
- 2) Kgodiso ya kopano le ha re fapaneng
- 3) Ntshetsopele ya mafa le botjhaba ba rona
- 4) Phetolo ya mafa a fapaneng
- 5) Ho tlotla bahale ba rona
- 6) Kgodiso ya puo ya Sesotho ka ho qoholleha, le botemengata ka kakaretso.

Ka selemo sena sa 2024, mokete o itshetlehilwe ho tse latelang:

- Dilemo tse 30 tsa Demokrasi
- Sehopotso sa Dilemo tse 30 tsa Motse wa Botjhaba ba Basotho le
- Mongwahakgolo wa Bobedi wa ho thehwa ha Setjhaba sa Basotho

“Ho ketekwa ha Mongwahakgolo wa Bobedi wa ho thehwa ha Setjhaba sa Basotho ho fana ka bohlokwa ba ho keteka ho thwasa ha Selemo sa Basotho sa 2024. Phihlello ya Mongwahakgolo wa Bobedi ke mokolokotwane wa

bohlokwa nalaneng ya setjhaba sefe kapa sefe. Ha re keteka ho thwasa ha Selemo sa Basotho sa 2024, re kopanya Basotho bohle ba ka hare ho naha ya rona, ba ka Lesotho le mose ho naha, ho lakaletsa setjhaba sena sa Morena Moshosho dilemo tse ding tse ngata”, ho rialo Letona la Lefapha la Dipapadi, Bonono, Botjhaba le Boikgathollo, Mme Ntombizanele Sifuba.

Mokete o tla ba ka tsela e latelang:

Letsatsi: 03 Phato 2024

Nako: 10:00

Sebaka: Motse wa Botjhaba ba Basotho, Qwa Qwa

Diketsahalo: ho palangwa ha dipere, mokoloko o moholo, dipontsho tsa dijalo, mmino le metjeko (Mohobelo, mmino wa Koriana, Serobolelo, *hip-hop* ya Sesotho) hammoho le metjeko ya botjhaba ba MaZulu le Batswana. Dipontsho tsa mefutafuta ya dijo tsa Botjhaba ba Basotho le tsona di tla ba teng. Melaetsa ho tswa ho baetapele ba mmuso le baamehi e tla balwa.

E ntshitswe ke Lefapha la Dipapadi, Bonono, Botjhaba le Boikgathollo la Freistata.

Dipatlisiso:

Tankiso Zola

Mmuelli wa Lefapha

Sele: 082 940 2392

Imeili: tankiso@sacr.fs.gov.za

Follow us by pressing ctrl – click on the links below:



#ChampioningSocialTransformation